

詩輯

經遠通志稿卷五十六上
第六十七冊

綏遠通志稿卷五十六上

詩輯

或曰。修方志而列文徵。宜矣。為其可以補史闕而豐掌故也。至於詩。無非騷人辭客寄興詠懷之作。藻繪空言。無補事實。以之入志。得無嫌於贅乎。曰。不然。昔者仲尼刪詩。而首著國風。蓋所以存當時地方風土之實也。如邶鄘曹檜諸小國。史籍闕略。文獻難徵。使無葩經存其詩。則後之稽古者。雖欲探知其土俗之一二。豈有幾微線索可尋哉。由是言之。則詩亦史之支流存詩。亦即以存史。而方志輯詩。其義亦正在乎此。矧綏遠地僻民窮。久無志乘。今幸能開館修志。以存一方之史料。則雖夙傳之鄉談俚諺。凡有關綏遠掌故者。皆當珍視而錄存之。况曆代詩家之名篇鉅制乎。義取言綏。體非汎設。誦詩知俗。誰曰不宜。此本

志所以有詩歌之輯也。

與蘇武詩二首

漢李陵

良詩不再至。離別在須臾。屏營衢路側。執手野踟躕。仰視浮雲馳。奄忽互相踰。風波一失所。各在天一隅。長當從此別。且復立斯須。欲因晨風發。送子以賤軀。

携手上河梁。遊子暮何之。徘徊路側。恨恨不能辭。行人難久留。各言長相思。安知非日月。弦望自有時。努力崇明德。皓首以為期。

錄別詩四首

前人

有鳥西南飛。熠熠似蒼鷹。朝發天北隅。暮聞日南陵。欲寄一言去。託之綫綵繒。因風附輕翼。以遺心蘊蒸。鳥辭路悠長。羽翼不能勝。意欲從鳥逝。駕馬不可乘。

晨風鳴北林。熠熠東南飛。願言所相思。日暮不垂帷。明月照高樓。想見餘光輝。玄鳥夜過庭。髣髴能復飛。褰裳路踟躕。徬徨不能歸。浮雲日千里。安知我心悲。思得瓊樹枝。以解長渴饑。鍾子歌南音。仲尼嘆歸與。戎馬悲歸鳴。遊子戀故廬。陽鳥歸飛雲。蛟龍樂潛居。人生一世間。貴與願同俱。身無四凶罪。何為天一隅。與其苦筋力。必欲樂薄軀。不如及清時。策名於天衢。紅塵蔽天地。白日何冥冥。微陰感殺氣。淒風從此興。招搖西北指。天漢東南傾。嗟爾穹廬子。獨行如履冰。短褐中無緒。帶斷續以繩。瀉水置瓶中。馬辨淄與澠。巢父不洗耳。後世有何稱。

送別歌

前人

漢書曰。昭帝即位數年。匈奴與漢和親。漢使求蘇武等。單于許武還。李陵置酒賀武。曰。異域之人。一別長絕。因起舞而歌。

陵泣下數行。遂與武決。

徑萬里。今度沙漠。為君將。今奮匈奴。路窮絕。今關^矢刃^摧士眾。滅分名。已墮老母已死。雖報恩。將安歸。

別李陵

漢蘇武

黃鵠一遠別。千里顧徘徊。胡馬失其羣。思心常依依。何況雙飛龍。羽翼臨當乖。幸有絃歌曲。可以喻中懷。請為遊子吟。泠泠一何悲。絲竹厲清聲。慷慨有餘哀。長歌正激烈。中心愴以摧。欲展清商曲。念子不得歸。俛仰內傷心。淚下不可揮。願為雙黃鵠。送子俱遠飛。

別昆弟

前人

骨肉緣枝葉。結交亦相因。四海皆兄弟。誰為行路人。况我連枝樹。與子同一身。昔為鴛與鴦。今為參與辰。昔者常相近。邈若胡

與秦惟念當乖離。恩情日以新。鹿鳴思野草。可以喻嘉賓。我有
一樽酒。欲以贈遠人。願子留斟酌。叙此平生親。

別妻

前人

結髮為夫婦。恩愛兩不疑。歡娛在今夕。燕婉及良時。徵夫懷往
路。起視夜何其。參辰皆已沒。去去從此辭。行役在戰場。相見未
有期。握手一長嘆。淚為生別滋。努力愛春華。莫忘歡樂時。生當
復來歸。死當長相思。

答李陵

前人

童童孤生柳。寄根河水泥。連翩遊客子。於冬服涼衣。去家千里
餘。一身常渴饑。寒夜立清庭。仰瞻天漢湄。寒風吹我骨。嚴霜切
我肌。憂心常慘戚。晨風為我悲。瑤光遊何速。行願去何遲。仰視
雲間星。忽若割長帷。低頭還自憐。盛年行已衰。依依戀明世。愴

愴難久懷。

怨詩

漢王

嬭

秋木萋萋其葉萎黃有鳥處山集於苞桑養育毛羽形容生光
既得升雲上遊曲房離宮絕曠身體摧藏志念抑沉不得胡顏
雖得委食心有徬徨我獨伊何來往變常翩翩之燕遠集西羌
高山峨峨河水泱泱父兮母兮道里悠長嗚呼哀哉憂心惻傷
飲馬長城窟行

魏陳

琳

飲馬長城窟水寒傷馬骨往謂長城吏慎莫稽留太原卒官作
自有程舉築諧汝聲男兒寧當格鬪死何能怫鬱築長城長城
何連連連連三千里邊城多健少內舍多寡婦作書與內舍便
嫁莫留住善侍新姑嫜時時念我故夫子報書往邊地君今出
語一何鄙身在禍難中何為稽留他家子生男慎莫舉生女哺

用脯君獨不見長城下死人骸骨相撐拄結髮行事君慊慊心意間明知邊地苦賤妾何能久自全

王明君詞 并序

晉石崇

王明君者本是王昭君以觸文帝諱改焉匈奴盛請婚於漢元帝以後宮良家子昭君配馬昔公主嫁烏孫令琵琶馬上作樂以慰其道路之思其送明君亦必爾也其造新曲多哀怨之聲故叙之於紙云爾

我本漢家子將適單于庭辭訣未及終前驅已抗旌僕御涕

流離轅馬悲且鳴哀鬱傷五內泣淚濕朱纓行行日已遠遂

造匈奴城延我於穹廬加我閼氏名殊類非所安雖貴非所

榮父子見陵辱對之慙且驚殺身良不易默默以苟生苟生

亦何聊積思常憤盈願假飛鴻翼乘之以遐徵飛鴻不我顧

↑ 佇立以屏營。昔為匣中玉，今為糞上英。朝華不足歡，甘與秋
↓ 草并傳語。後世人遠嫁，難為情。

飲馬長城窟行

晉陸機

驅馬陟陰山，山高馬不前往。問陰山候勁虜，在燕然。戎車無停
軌，旌旆屢徂遷。仰憑積雪巖，俯涉堅冰川。冬來秋未返，去家邈
以繇。猥狃亮未夷，征人豈徒旋。末德爭先鳴，凶器無兩全。師克
薄賞行，軍沒微軀捐。將遵甘陳跡，收功單于旃。振旅勞歸士，受
爵藁街傳。

王昭君

宋鮑照

既事轉蓬遠，心隨雁路絕。霜鞞旦夕驚，邊笳中夜咽。

出自薊北門行

前人

羽檄起邊亭，烽火入咸陽。徵師屯廣武，分兵救朔方。嚴秋筋竿

勁虜陣精且彊。天子按劍怒使者。遙相望。雁行緣石徑。魚貫度
飛梁。簫鼓流漢思。旌甲被胡霜。疾風衝塞起。沙礫自飄揚。馬毛
縮如蝟。角弓不可張。時危見臣節。世亂識忠良。投軀報明主。身
死為國殤。

明君詞

梁簡文帝

玉艷光瑤質。金鈿婉黛紅。一去蒲萄觀。長別披香宮。秋蒼照漢
月。愁帳入胡風。妙工偏見詆。無由情恨通。

明君詞

梁蕭紀

塞外無春色。邊城有風霜。誰堪覽明鏡。持許照紅妝。

明君詞

梁沈約

朝發披香殿。夕濟汾陰河。於茲懷九折。自此歛雙蛾。沾妝疑湛
露。繞臆狀流波。日見奔沙起。稍覺轉蓬多。胡風犯肌骨。非直傷

綺羅銜涕試南望。關山鬱嵯峨。始作陽春曲。終成苦寒歌。唯有三五夜。明月暫經過。

王昭君

梁施榮泰

垂羅下椒閣。舉袖拂胡塵。唧唧撫心歎。蛾眉誤殺人。

昭君怨

梁王叔英妻劉氏

一生竟何定。萬事最難保。丹青失舊儀。玉匣成秋草。想妾辭關淚。至今猶未燥。漢使汝南還。殷勤為人道。

昭君歎二首

梁范靜婦沈氏

早信丹青巧。重貨洛陽師。千金買蟬鬢。百萬寫蛾眉。

其二

今朝猶漢地。明旦入胡關。情寄南雲反。思逐北風還。

明君詞

北周庾

信

歛眉光祿塞。遙望夫人城。片片紅顏落。雙雙淚眼生。冰河牽馬渡。雪路抱鞍行。胡風入骨冷。夜月照心明。方調琴上曲。變入胡笳聲。

王昭君

前人

拭啼辭戚里。回顧望昭陽。鏡失菱花影。釵除却月梁。圍腰無一尺。垂淚有千行。衫身承馬汗。紅袖拂秋霜。別曲真多恨。哀絃須更張。

王昭君

前人

猗蘭恩寵歇。昭陽幸御稀。朝辭漢闕去。夕見胡塵飛。寄信秦樓下。因書秋雁歸。

明君詞

北周王褒

蘭殿辭新寵。椒房餘故情。鴻飛漸南陸。馬首倦西征。寄書參漢

使銜涕望秦城。唯餘馬上曲。猶作出關聲。

關山月

前人

關山夜月明。秋色照孤城。影虧同漢陣。輪滿逐胡兵。天寒光轉白。風多暈欲生。寄言亭上吏。遊客解雞鳴。

題屏風

北周千金公主

盛衰等朝莫。世道若浮萍。榮華實難守。池臺終自平。富貴今安在。空事寫丹青。盃酒恒無樂。絃歌詎有情。予本皇家子。飄流入虜庭。一朝規成敗。懷抱忽縱橫。古來共如此。非我獨申名。惟有昭君曲。偏傷遠嫁情。

敕勒歌

北齊斛律金

敕勒川。陰山下。天似穹廬。籠蓋四野。天蒼蒼。野茫茫。風吹草低。見牛羊。

昭君怨

陳後主

圖形漢宮裏。遙聘單于庭。狼山聚雲暗。龍沙飛雪輕。茄吟度隴。咽。笛轉出關。鳴啼妝寒葉下。愁眉塞月生。只餘馬上曲。猶作別時聲。

幸北塞

隋煬帝

鹿塞鴻旌駐。龍庭翠輦回。檀帷望風舉。穹廬向日開。呼韓頓顙至。屠者接踵來。索獐擎羶肉。韋韝獻酪盃。何如漢天子。空上單于臺。

飲馬長城窟行示從征羣臣

前人

肅肅秋風起。悠悠行萬里。萬里何所行。橫溪築長城。豈台小子智。先聖之所營。樹茲萬里策。安此億兆生。詎敢憚焦思。高枕於上京。北河秉武節。千里捲戎旌。山川互出沒。原野窮超忽。擬金

止行陣。鳴鼓興士卒。千乘萬騎動。飲馬長城窟。秋昏塞外雲。霧
暗關山月。緣巖驛馬上。乘空烽火發。借問長城候。單于入朝謁。
濁氣靜天山。晨光照高闕。釋兵仍振旅。要荒事方舉。飲至告言
旋。功歸清廟前。

明君詞

隋何妥

昔聞別鶴弄。已自軫離情。今來昭君曲。還悲秋草并。

昭君詞

隋薛道衡

我本良家子。充選入椒庭。不蒙女史進。更失畫師情。蛾眉非本
質。蟬鬢改真形。專由妾命薄。誤使君恩輕。啼沾渭橋路。嘆別長
安城。夜依寒草宿。朝逐轉蓬征。仰望關山迴。前瞻沙漠平。朔風
帶秋月。嘶馬雜笳聲。毛裘易羅綺。氊帳代金屏。自知蓮臉歇。羞
看菱鏡明。釵落終應棄。髻解不須縈。何用單于重。詎假闕氏名。

馱馱聊強食。甯酒未能傾。心隨故鄉斷。愁逐塞雲生。漢宮如有憶。為視髣髴星。

出塞二首

前人

高秋白露團。上將出長安。塵沙塞下暗。風月隴頭寒。轉蓬隨馬足。飛霜落劍端。凝雲迷代郡。流水凍桑乾。烽微枯棹遠。橋峻轆轤難。從軍多惡少。召募盡材官。伏堤時卧鼓。疑兵乍解鞍。柳城擒冒頓。長坂納呼韓。受降今更築。燕然已重刊。還嗤傅介子。辛苦刺樓蘭。

邊庭烽火驚。插羽夜徵兵。少昊騰金氣。文昌動將星。長驅鞬汗北。直指夫人城。絕漠三秋暮。窮陰萬里生。寒夜哀笳曲。霜天斷雁聲。連旗下。鹿塞疊鼓向。龍庭妖雲墜。虜陣暈月遶。胡營左賢皆。頓顙單于已。繫纓緹馬登。玄闕鈞鯢臨。北溟當知霍。驃騎高

第起西京

出塞

隋虞世基

窮秋塞草腓。塞外胡塵飛。徵兵廣武至。候騎陰山歸。廟堂千里策。將軍百戰威。轅門臨玉帳。大旆指金微。摧朽無勅敵。應變有先機。銜枚壓曉陣。卷甲解朝圍。瀚海波瀾靜。王庭氛露晞。鼓鼙嚴朔氣。原野曠寒暉。勲庸震邊服。歌吹入京畿。待拜長平坂。鳴騶入禮闈。

木蘭詩

古辭

唧唧復唧唧。木蘭當戶織。不聞機杼聲。唯聞女歎息。問女何所思。問女何所憶。女亦無所思。女亦無所憶。昨夜見軍帖。可汗大點兵。軍書十二卷。卷卷有爺名。阿爺無大兒。木蘭無長兄。願為市鞍馬。從此替爺徵。東市買駿馬。西市買鞍韉。南市買轡頭。北市

市買長鞭。旦辭爺孃去。暮宿黃河邊。不聞爺孃喚女聲。但聞黃
河流水鳴濺濺。旦辭黃河去。暮至黑山頭。不聞爺孃喚女聲。但
聞燕山胡騎鳴啾啾。萬里赴戎機。關山度若飛。朔氣傳金柝。寒
光照鐵衣。將軍百戰死。壯士十年歸。歸來見天子。天子坐明堂。
策勳十二轉。賞賜百千彊。可汗問所欲。木蘭不用尚書郎。願備
明駝千里足。送兒還故鄉。爺孃聞女來。出郭相扶將。阿姊聞妹
來。當戶理紅妝。小弟聞姊來。磨刀霍霍向豬羊。開我東閣門。坐
我西間牀。脫我戰時袍。著我舊時裳。當窗理雲鬢。挂鏡帖花黃。
出門看火伴。火伴皆驚忙。同行十二年。不知木蘭是女郎。雄兔
脚撲朔。雌兔眼迷離。雙兔傍地走。安能辨我是雄雌。

案木蘭為隋代突厥族女子。生於勝州。即今伊克昭盟準
格爾旗境內也。應可汗之召。助隋天子征契丹。高麗從軍。

甚久說詳本志列女篇木蘭條

飲馬長城窟行

唐太宗

塞外悲風切。交河冰已結。瀚海百重波。陰山千里雪。迴迴戍危烽。

火層巒引高節。悠悠卷旆旌。飲馬出長城。寒沙連騎跡。朔吹斷

邊聲。胡塵清玉塞。羌笛韻金鉦。絕漠干戈戢。車徒振原隰。都尉

反龍堆。將軍旋馬邑。揚麾氛霧靜。紀石功名立。荒裔一戎衣。靈

台凱歌入

出塞

唐竇威

匈奴屢不平。漢將欲縱橫。看雲方結陣。却月始連營。潛軍渡馬

邑。揚旆掩龍城。會勒燕然石。方傳車騎名。

單于川對雨二首

唐蘇味道

崇朝邁行雨。薄晚屯密雲。綠階起素沫。竟水聚圓文。河柳低未

舉山花落已芬。清尊久不薦。淹留遂待君。

單于川對南土首

甫

飛雨欲迎旬。浮雲已送春。還從濯枝後。來應洗兵辰。氣合龍祠外。聲過鯨海濱。伐邢知有屬。已見靖邊塵。

早春邊城懷歸

唐崔湜

大漠羽書飛。長城未解圍。山川凌玉嶂。旌節下金微。路向南庭遠。書因北鴈稀。鄉關搖別思。風雪散戎衣。歲盡仍為客。春還尚未歸。明年征騎返。歌舞及芳菲。

奉使築朔方六州城率爾而作

唐李嶠

奉詔受邊服。總徒築朔方。驅彼犬羊族。正此戎夏疆。子來多悅豫。王事寧怠遑。三旬無愆期。百雉鬱相望。雄視沙漠垂。有截北海陽。二庭已頓顙。五嶺盡來王。驅車登崇墉。顧眄凌大荒。千里

何蕭條草木自悲涼。憑軾訊古今，慨焉感興亡。漢障緣河遠，秦城入海長。顧無廟堂策，貽此中夏殃。道隱前業衰，運開今化昌。制為百王式，舉合千載防。馬牛被路隅，鋒鏑銷戰場。豈不懷賢勞，所圖在永康。王事何為者，稱代陳頌章。

奉和幸望春宮送朔方總管張仁亶

前人

玉塞征驕子，金符命老臣。三軍張武旆，萬乘餞行輪。猛氣凌玄朔，崇恩降紫宸。投醪還結士，辭第本忘身。露下鷹初擊，風高雁欲賓。方銷塞北祲，還靖漠南塵。

昭君怨

唐董思恭

新年猶尚小，那堪遠聘秦。裾衫霑馬漢，眉黛染胡塵。舉眼無相識，路逢皆異人。唯有梅將李，猶帶故鄉春。

奉和幸望春宮送朔方軍大總管張仁亶

唐李

適

地限驕南牧。天臨見北征。解衣延寵命。橫劍總威名。豹略恭宸旨。雄文動睿情。坐觀膜拜入。朝夕受降城。

奉和幸望春宮送朔方軍大總管張仁亶
劉劉憲

命將擇耆年。圖功勝必全。光輝萬乘餞。威武二庭宣。中衢橫鼓

角。曠野蔽旌旃。推食天厨至。投醪御酒傳。涼風過雁苑。殺氣下

雞田。分閫恩何極。臨歧動睿篇。

奉和幸望春宮送朔方大總管張仁亶
唐蘇頲

北風吹早雁。日夕渡河飛。氣冷膠應折。霜明草正腓。老臣帷幄

筭。元宰廟堂機。餞飲迴仙蹕。臨戎解御衣。軍裝乘曉發。師律候

春歸。方佇勳庸盛。天詞降紫微。

餞趙尚書攝御史大夫赴朔方軍
前人

勁虜欲南窺。揚兵護朔陲。趙堯寧易印。鄧禹即分麾。野餞迴三

傑軍謀用六奇。雲邊愁出塞。日下愴臨歧。拔劍行人舞。揮戈戰馬馳。明年麟閣上。充國畫於斯。

送別出塞

唐陳子昂

平生聞高義。書劍百夫雄。言登青雲去。非此白頭翁。胡兵屯塞下。漢騎屬雲中。君為白馬將。腰佩駢角弓。單于不敢射。天子傳深功。蜀山余方隱。良會何時同。

和陸明府贈將軍重出塞

前人

忽聞天上將。關塞重橫行。始返樓蘭國。還向朔方城。黃金裝戰馬。白羽集神兵。星月開天津。山川列地營。晚風吹畫角。春色耀飛旌。寧知班定遠。猶是一書生。

巡邊在河北作

唐張說

去年六月西河西。今年六月北河北。沙場磧路何為爾。重氣輕

生知許國。人生在世。能幾時。壯年征戰。髮如絲。會待安邊報明。
主作頌封山也。未遲。

將赴朔方軍應制

前人

禮樂逢明主。韜鈴用老臣。恭憑神武策。遠御鬼神人。供帳榮恩
饒山川喜。詔巡天文日。月麗朝賦管。弦新幼志傳。三略衰材謝
六鈞膽由忠。作伴心固道。為鄰漢保河南地。胡清塞北塵。連年
大軍後。不日小康辰。劍舞輕離別。歌酣忘苦辛。從來思博望。許
國不謀身。

送王暎巡邊

前人

六月歌周雅。三邊遣夏卿。欲施攻戰法。先作簡稽行。禮樂知謀
帥。春秋識用兵。一勞堪定國。萬里即長城。策有和戎利。威傳破
虜名。軍前雨灑道。樓上月臨營。別藻瑤華降。同衣錦襪榮。關山

由義近戎甲為恩輕絲竹路傍散風雲馬上生朝廷謂吉甫邦國望君平

王昭君

唐上官儀

玉關春色晚金河路幾千琴悲桂條上笛怨柳花前霧掩臨妝月風驚入鬢蟬緘書待還使淚盡白雲天

奉和聖制送張尚書巡邊

唐徐堅

至德撫遐荒神兵赴朔方帝思元帥重爰擇股肱良累相承安世深籌協子房寄崇專斧鉞禮備設壇場鼙鼓喧雷電戈劍凜風霜四駢將戒道十乘啟先行聖錫加恒數天文耀寵光出郊開帳飲寅餞盛離章雨濯梅林潤風清麥野涼燕山應勒頌麟閣停名揚

送尚書燕國公赴朔方

唐張九齡

宗臣事有征。廟算在休兵。天與三台座。人當萬里城。朔南方偃
革。河右鬻揚旌。寵錫從仙禁。光華出帝京。山川勤遠畧。原隰軫
皇情。為奏薰琴唱。仍題寶劍名。聞風六郡伏。計日五戎平。山甫
歸應疾。留侯功復成。歌鐘旋可望。衽席豈難行。四牡何時入。吾
君憶履聲。

送張說巡邊

唐宗璟

帝道薄存兵。王師尚有征。是關司馬法。爰命總戎行。畫閫存威
信。分麾盛寵榮。聚觀方結轍。出租遂傾城。聖酒山河潤。天詞象
緯明。德風邊草偃。勝氣朔雲平。宰國推良器。臨戎挹壯聲。至和
常得體。不戰即亡精。以智泉寧竭。其徐海自清。遲還廟堂坐。贈
別故人情。

奉和聖制送張說巡邊

唐崔禹錫

供帳何煌煌。公其撫朔方。羣僚咸餞酌。明主降離章。闕塞重門下。郊歧禁苑傍。練兵宜雨洗。卧鼓候風涼。炎景寧云憚。神謀肅所將。旌搖天月迴。騎入塞雲長。赫赫皇威振。油油聖澤滂。非惟按車甲。兼以正封疆。叱咤陰山道。澄清瀚海陽。虜垣行決勝。台座佇為光。

奉和聖制送張說巡邊

唐張嘉貞

天錫我宗盟。元戎付夏卿。多才兼將相。必勇獨橫行。經緯稱人傑。文章作代英。山川看是陣。草木想為兵。不待河冰合。猶防塞月明。有謀當繫醜。無戰且綏祗。聞外傳三略。雲中莫一平。感恩同義激。帳別屢魂驚。直視前旌掣。遙聞後騎鳴。還期方定日。復此出郊迎。

奉和聖制送張說巡邊

唐盧從愿

上將發文昌中軍靜朔方占星引旌節擇日拜壇場禮樂臨軒
送威聲出塞揚安邊侯帷幄制勝在巖廊作鼓將軍氣投醪壯
士觴戒途遵六月離贈動三光槐路清梅暑蘅臯起來麥涼時文
仰雄伯耀武震遐荒衽席知無戰兵戈示不忘佇聞歌扶杜凱
入繫名王

奉和聖制送張說巡邊

唐徐知仁

聖德膺三統皇恩被八埏大明均照物小醜未寧邊國相台衡
重元戎廟畧宣紫泥方受命黃石乃推賢問臯陰山下安人屬
國前度關行照月乘障坐消煙北闕紆宸藻南橋列祖筵耀威
當夏日殺氣指秋天鞞鼓鼉鼉振旌旗烏獸懸由來詞翰手今
見勒燕然

宿長城

唐王

勃

陰雲凝朔氣。隴上正飛雪。四月草不生。北風勁如割。朝來羽書急。夜宿長城窟。道隘行不前。相呼抱鞍歇。人寒指欲墮。馬凍蹄皆裂。射雁旋充饑。斧冰還止渴。寧辭解圍鬪。但恐乘波沒。早晚邊堠空。歸來視耕作。

贈蘇綰書記

前人

知君書記本翩翩。為許從戎赴朔邊。紅粉樓中應計日。燕支山下莫經年。

戰城南

唐盧照鄰

將軍出紫塞。冒頓在烏~~焉~~。笳喧雁門北。陣翼龍城南。凋弓夜宛轉。鐵騎曉參潭。應須駐白日。為待戰方酣。

王昭君

前人

合殿恩中絕。交河使漸稀。肝腸辭玉輦。形影向金微。漢宮草應

綠胡庭沙正飛願逐三秋雁年年一度歸

王昭君

唐駱賓王

歛客辭豹尾緘怨度龍鱗金鈿明漢月玉箸染胡塵妝鏡菱花
暗愁眉柳葉頰惟有清笳曲時聞芳樹春

王昭君

唐沈佺期

非君惜鸞殿非妾妬蛾眉薄命由驕虜無情是畫師嫁來胡地
惡不竝漢宮時心苦無聊賴何堪上馬辭

塞北

前人

胡騎犯邊埃風從刃上來五原烽火急六郡羽書催冰壯飛狐

冷霜濃候雁哀將軍朝授鉞戰士夜銜枚紫塞金河裏蔥山鐵

勒隈蓮花秋劍發桂葉曉旗開秘畧三軍動妖氛百戰摧何言

投筆去終作勒銘回

王昭君

唐梁獻

圖畫失天真。容華坐誤人。君恩不可再。妾命在和親。淚點關山月。衣銷邊塞塵。一聞陽鳥至。思絕漢宮春。

王昭君三首

唐郭元振

自嫁單于國。長銜漢掖悲。容顏日顛頽。有甚畫圖時。厭踐冰霜域。嗟為邊塞人。思從漠南獵。一見漢家塵。聞有南河信。傳聞殺畫師。始知君惠重。更遣畫蛾眉。

王昭君

唐顧朝陽

莫將鉛粉匣。不用鏡花光。一去邊城路。何情更畫妝。影銷胡地月。衣盡漢宮香。妾死非關命。祇緣怨斷腸。

王昭君三首

唐東方虬

漢道初全盛。朝廷足武臣。何須薄命妾。辛苦遠和親。

揜涕辭丹鳳。銜悲向白龍。單于浪驚喜。無復舊時容。
胡地無花草。春來不似春。自然衣帶緩。非是為腰身。

王昭君

唐劉長師

自矜妖豔色。不顧丹青人。那知粉黛能相負。却使容華翻誤身。
上馬辭君嫁驕虜。玉顏對人啼不語。北風雁急浮清秋。萬里獨
見黃河流。纖腰不復漢宮寵。雙蛾長向胡天愁。琵琶弦中苦調
多。蕭蕭羌笛聲相和。可憐一曲傳樂府。能使千秋傷綺羅。

王昭君

唐崔國輔

漢使南還盡。胡中妾獨存。紫臺絲望絕。秋草不堪論。

王昭君

前人

一回望月一回悲。望月月移人不移。何時得見漢朝使。為妾傳

書斬畫師

塞上

唐王建

旌旗倒北風。霜雪逐南鴻。夜救龍城急。朝焚虜帳空。骨銷金鏃在。髮改玉關中。尚想羲軒代。無人尚戰功。

送振武張尚書

前人

回天轉地是將軍。扶助春宮上五雲。撫背恩雖同骨肉。擁旄名未敵功勳。盡收壯勇填兵數。不向蕃渾奪馬群。閑即單于臺下獵。威聲直到海西聞。

明妃曲二首

唐儲光羲

胡王知妾不勝悲。樂府皆傳漢國辭。朝來馬上登筵引。稍似宮中閑夜時。

中閑夜時

日暮驚沙亂雪飛。傍人相勸易羅衣。強來前殿看歌舞。共待單于夜獵歸。

于夜獵歸

昭君墓

唐常建

漢宮豈不死○異域傷獨沒○萬里馱黃金○蛾眉為枯骨○迴車夜出塞○立馬皆不發○共恨丹青人○墳上哭明月○

塞下

前人

鐵馬胡裘出漢營○分麾百道救龍城○左賢未遁旌竿折○過在將軍不在兵○

塞下曲三首

前人

北海陰風動地來○明君祠上望龍堆○髑髏皆是長城卒○日暮沙場飛作灰○

龍鬪雌雄勢已分○山崩鬼哭恨將軍○黃河直北千餘里○冤氣蒼茫成黑雲○

因嫁單于怨在邊○蛾眉萬古葬胡天○漢家此去三千里○青塚常

無草木煙。

出塞

唐于鵠

單于驕愛獵。放火到軍城。待月調新弩。防秋置遠營。空山朱戟影。寒磧鐵衣聲。逢著降胡說。陰山有伏兵。

邊詞

唐張敬忠

五原春色舊來遲。二月垂楊未掛絲。只今河畔冰開日。正是長

安花落時。

出塞

唐王昌齡

秦時明月漢時關。萬里長征人未還。但使龍城飛將在。不教胡

馬度陰山。

明妃曲

唐王偃

北望單于日半斜。明君馬上泣胡沙。一雙淚滴黃河水。應得東

流入漢家。

王昭君二首

唐李白

漢家秦地月。流影照明妃。
一上玉關道。天涯去不歸。
漢月還從東海出。明妃西嫁無來日。
燕支長寒雪作花。蛾眉顚頽沒胡沙。
生乏黃金枉圖畫。死留青冢使人嗟。
昭君拂玉鞍。上馬啼紅頰。
今日漢宮人。明朝胡地妾。

千里思

前人

李陵沒胡沙。蘇武還漢家。
迢迢五原關。朔風亂邊花。
一去隔絕域。思歸但長嗟。
鴻雁向西北。飛書報天涯。

塞上曲

前人

大漢無中策。匈奴犯渭橋。
五原秋草綠。胡馬一何驕。
命將征西極。橫行陰山側。
燕支落漢家。婦女無華色。
轉戰渡黃河。休兵樂

事多蕭條清萬里。瀚海寂無波。

詠懷古跡

唐杜甫

羣山萬壑赴荆門。生長明妃尚有村。一去紫臺連朔漠。獨留青塚向黃昏。畫圖省識春風面。環珮空歸月夜魂。千載琵琶作胡語。分明怨恨曲中論。

諸將

前人

韓公本意築三城。擬絕天驕拔漢旌。豈謂盡煩回紇馬。翻然遠救朔方兵。胡來不覺潼關隘。龍起猶聞晉水清。獨使至尊憂社稷。諸君何以答升平。

出塞曲

唐賈至

萬里平沙一聚塵。南飛羽檄北來人。傳道五原烽火急。單于昨夜寇新秦。

送渾將軍出塞

唐高適

將軍族貴兵且強。漢家已是渾邪王子孫。相承在朝野。至今部
曲燕支下。控弦盡用陰山兒。登陣常騎大宛馬。銀鞍玉勒繡螭
弧。每逐嫖姚破骨都。李廣從來先將士。衛青未肯學孫吳。傳有
沙場千萬騎。昨日邊庭羽書至。城頭畫角三四聲。匣裏寶刀晝
夜鳴。意氣能甘萬里去。辛勤判作一年行。黃雲白草無前後。朝
建旌旄夕刁斗。塞下應多俠少年。關西不見春楊柳。從軍借問
所從誰。擊劍酬歌當此時。遠別無輕繞朝策。平戎早寄仲宣詩。

塞上聞吹笛

前人

雲淨胡天牧馬還。月明羌笛戍樓間。借問梅花何處落。風吹一
夜滿關山。

送單于裴都護

唐崔顥

征馬出翩翩。秋城月正圓。
單于莫近塞。都護欲臨邊。
漢驛通烟火。胡沙乏井泉。
功成須獻捷。未必去經年。

送孫徵赴雲中

唐韋應物

黃驄少年舞雙戟。目視傍人皆辟易。
百戰曾誇隴上兒。一身復作雲中客。
寒風動地氣蒼芒。橫吹先悲出塞長。
敲石軍中傳夜火。斧冰河畔汲朝漿。
前鋒直指陰山外。虜騎紛紛翦應碎。
匈奴破盡看君歸。金印酬功如斗大。

送部四鎮人往單于別知故

唐徐九臯

天下今無事。雲中獨未寧。
忝驅更戍卒。方遠送邊庭。
馬飲長城水。軍占太白星。
國恩行可報。何必守經營。

征人怨

唐柳中庸

歲歲金河復。玉關朝朝馬策與。
刀環三春白雲歸。青冢萬里黃

河繞黑山。

塞下曲四首

唐戎昱

慘慘寒日沒北風卷蓬根將軍領疲兵却入古塞門回顧指陰

山殺氣成黃雲

上山望胡兵胡馬馳驟速黃河水已合意又向南牧嫖姚夜出

軍霜雪割人肉

塞北無草木烏為巢僵屍決滌沙漠空終日胡風吹戰卒多苦

辛苦辛無四時

城上畫角哀即知兵心苦試問左右人無言淚如雨何意休明

時終年事鞞鼓

昭君詞

唐戴叔倫

漢家宮闕夢中歸幾度檀房淚濕衣惆悵不知邊鴈影秋風猶

得向南飛。

塞上曲二首

前人

軍門頻納受降書。一劍橫行萬里餘。漢祖謾誇婁敬策。卻將公

主嫁單于。

漢家旌幟滿陰山。不遣胡兒足馬還。願得此身長報國。何須生

入玉門關。

和張僕射塞下曲六首

唐盧綸

林暗草驚風。將軍夜引弓。平明尋白羽。沒在石稜中。

月黑雁飛高。單于夜遁逃。欲將輕騎逐。大雪滿弓刀。

驚翎金僕姑。燕尾繡蝥弧。獨立揚新令。千營共一呼。

野幕敞瓊筵。羌戎賀勞旋。醉和全甲舞。雷鼓動山川。

調箭又呼鷹。俱聞出世能。奔狐將迸雉。掃畫古丘陵。

亭亭七葉貴。蕩蕩一隅清。他日題麟閣。唯應獨不名。

送餞從叔辭豐州幕歸嵩陽舊居

前人

白鬚宗孫侍坐時。願持壽酒前致詞。致詞何所擬。請自邊城始。
邊城貴者李將軍。戰鼓遙疑天上聞。屯田布錦周千里。牧馬攢
花溢萬羣。白雲本是喬松伴。來繞青營復飛散。三聲畫角咽不
通。萬里蓬根一時斷。豐州聞說似涼州。沙塞清明部落稠。行客
已去依獨戍。主人猶自在高樓。夢親旌旆何由見。每值清風一
回面。洞裏先生那怪遲。人天無路自無期。砂泉丹井非同味。桂
樹榆林不并枝。吾翁致身殊得計。地仙亦是三千歲。莫着戎衣
朝上清。東方曼倩逢人輕。

送劉判官赴豐州

前人

銜杯吹急管。滿眼起風沙。大漠山沉雪。長城草發花。策行須戰

伐寇在莫言家。余亦祈勳者。如何別左車。

夜上受降城聞笛

唐李益

回樂烽前沙似雪。受降城上月如霜。不知何處吹蘆管。一夜征人盡望鄉。

聽曉角

唐李益

繁霜一夜落庭蕪。吹角當城漢月孤。無限塞鴻飛不度。秋風捲入小單于。

拂雲堆

前人

漢將新從虜地來。旌旗半上拂雲堆。單于每向沙場獵。南望陰山哭始回。

度破訥沙

前人

破訥沙頭雁正飛。鷓鴣川上戰初歸。平明日出東南地。滿積寒

先生鐵衣。

煖川

前人

胡風凍合。鷓鴣泉。牧馬千群。逐暖川。塞外征行無盡日。年年移帳雪中天。

飲馬泉

前人

綠楊著水草如烟。舊是胡兒飲馬泉。幾處吹笳明月夜。何人倚劍白雲天。從來凍合關山路。今日分流漢使前。莫遣行人照容鬢。恐驚憔悴入新年。

登長城

前人

漢家今上郡。秦塞古長城。有日雲長慘。無風沙自驚。當今聖天子。不戰四夷平。

將赴朔方早發漢武泉

前人

弭蓋出故關。窮秋首邊路。問我此何為。平生重一顧。風吹山下
草。繫馬河邊樹。奉役良有期。回瞻終未屢。去鄉幸未遠。戎衣今
已故。豈惟幽朔寒。念我機中素。去矣勿復言。所酬知音遇。

登夏州城觀送行人賦得六州胡兒歌

前人

六州胡兒六蕃語。十歲騎羊逐沙鼠。沙頭牧馬孤雁飛。漢軍遊
騎貂錦衣。雲中征戍三千里。今日征行何歲歸。無定河邊數株
柳。共送行人一杯酒。胡兒起作和番歌。齊唱嗚嗚盡垂手心知
舊國西州遠。西向胡天望鄉久。回頭忽作異方聲。一聲回盡征
人首。番音虜曲一難分。似說邊情向塞雲。故國關山無限路。風
沙滿眼堪斷魂。不見天邊青作塚。古來愁殺漢昭君。

夜上受降城聞笛

前人

入夜思歸切。笛聲清更哀。愁人不願聽。自到枕前來。風起塞雲

斷夜深關月開平明獨惆悵落盡一庭梅

送客歸振武

前人

駿馬事輕車軍行萬里沙胡山通咽落漢節繞渾邪桂滿天西

月蘆吹塞北笳別離俱報主路極不為賒

五城道中

前人

金鏡隨玉節落日河邊路沙鳴後騎來雁起前軍度五城鳴斥

堠三秦新召募天寒白登道塞濁陰山霧仍聞舊兵老尚在烏

蘭戍笳蕭漢思繁旌旗邊色故寢興倦弓甲勤役傷風露來遠

賞不行鋒交勳乃茂未知朔方道何年罷兵賦

塞下曲四首

前人

蕃州部落能結束朝暮馳獵黃河曲燕歌未斷塞鴻飛牧馬羣

嘶邊草綠

秦築長城。城已摧。漢武北上。單于臺。古來征戰。虜不盡。今日還
復天兵來。

黃河東流。流九折。沙場埋恨。何時絕。蔡琰沒去。造胡笳。蘇武歸
來持漢節。

為報如今。都護雄。匈奴且莫下。雲中請書塞。北陰山石。願此燕
然車騎功。

送柳判官赴振武

前人

邊庭漢儀重。旌甲似雲中。虜地山川壯。單于鼓角雄。關寒塞榆
落。月白胡天風。君逐嫫姚將。麒麟有戰功。

邊塞行

唐楊憑

九原臨得水。雙足是重城。獨許為儒老。相憐從騎行。細叢榆塞
迥。高點雁山晴。聖主嗤炎漢。無心自勒兵。

出塞作

唐武元衡

夙駕逾入境。長驅出塞垣。邊風引去騎。胡沙拂征轅。奏茄山月

白。結陣瘴雲昏。雖云風景異。華夏亦喜地理通。樓煩白羽矢飛

先。火礮黃金甲。耀奪朝暉。要須灑掃龍沙淨。歸謁明光一報恩。

單于曉角

前人

胡兒吹角漢城頭。月皎霜寒大漠秋。三奏未終天便曉。何人不

起望鄉愁。

塞上春懷

前人

東風河外五城喧。南客征袍滿淚痕。愁至獨登高處望。藹然雲

樹重傷魂。

單于罷職却歸題善陽館

前人

單于南去善陽關。身逐歸雲到處閑。曾是五年蓮府客。每聞胡

虜哭陰山

重送胡大夫赴振武

唐揚巨源

向年擢桂儒生業。今日分茅聖主恩。旌旗仍將過鄉路。軒車爭看出都門。人間文武能雙捷。天下安危待一論。布惠宣威大夫事。不妨詩思許琴尊。

答振武李逢吉判官

前人

近來時輩都無興。把酒皆言肺病同。惟有單于李評事。不將華髮負春風。

塞下曲二首

唐令狐楚

雪滿衣裳冰滿鬚。曉隨飛將伐單于。平生意氣今何在。把得家書淚似珠。

邊草蕭條塞鴈飛。在人南望淚沾衣。黃塵滿面長須戰。白髮生

頭未得歸。

塞下曲

唐王涯

年少辭家從冠軍。金妝寶劍去邊勳。不知馬骨傷寒水。唯見龍

城起暮雲。

塞下曲二首

唐張仲素

三戍漁陽再渡遼。驛弓在臂劍橫腰。匈奴似若知名姓。休傍陰

山更射鵰。

獵馬千行鴈幾雙。燕然山下碧油幢。傳聲漠北單于破。火照旌

旗夜受降。

奉酬振武胡十二丈大夫

唐韓愈

傾朝共羨寵光頻。半歲遷騰作虎臣。戎旆暫停辭社樹。里門先

下敬鄉人。橫飛玉蓋家山曉。遠蹀金珂塞草春。自笑平生誇胆

氣不離文字鬢毛新

鐵山碎

唐柳宗元

鐵山碎大漠舒二虜勁連穹廬背北海專坤隅歲來侵邊或傳
于都天子命元帥奮其雄圖破定襄降魁渠窮竟窟宅斥余吾
百蠻破膽邊氓蘇威武燁耀明鬼區利澤瀰萬祀功不可踰官
臣拜手惟帝之謨

案貞觀四年春李靖破突厥胡利可汗於鐵山俘胡利而

滅其國宗元此詩即詠此事也鐵山即今之白雲鄂博

送盧汀侍御歸天德幕

唐孟郊

仲宣領騎射結束皆少年匹馬黃河岸射鵬清霜天旌旗防日
北道路上雲巔古雪無銷鑠新冰有堆填清溪徒聳諠白巖自
招賢豈比重恩者閉門方獨全

明妃怨

唐楊凌

漢國明妃去不還。馬馳弦管向陰山。匣中縱有菱花鏡。羞對單于照舊顏。

昭君怨

唐梁氏瓊

自古無和親。貽災到妾身。胡風嘶去馬。漢月弔行輪。衣薄狼山雪。妝成虜塞春。回看父母國。生死畢胡塵。

送渾大夫赴豐州

唐劉禹錫

鳳銜新詔降恩華。又見旌旗出漢家。故吏來辭辛屬國。精兵願逐李輕車。氍毹裘君長迎風。驛錦帶首豪踏雪。銜其奈。明年春日好無人。喚看牡丹花。

昭君怨

唐白居易

明妃風貌最娉婷。合在椒房應四星。只得當年備宮掖。何曾專

夜奉幃屏見疎從道迷。圖畫知屈那教配虜庭。自是君恩薄如紙。不須一向恨丹青。

青冢

前人

上有飢鷹號。下有枯蓬走。茫茫邊雪裏。一掬沙培塿。傳是昭君墓。埋閉蛾眉久。凝脂化為泥。鉛黛復何有。唯有陰怨氣。時生墳左右。鬱鬱如苦露。不隨骨銷朽。婦人無他才。榮枯繫妍否。何乃明妃命。獨懸畫工手。丹青一註誤。白黑相紛糾。遂使君眼中。西施作嫫母。同儕傾寵幸。異類為配偶。禍福安可知。美顏不如醜。何言一時事。可戒千年後。特報後來姝。不須倚眉首。無辭插荆釵。嫁作貧家婦。不見青冢上。行人為澆酒。

賦得聽邊鴻

前人

驚風吹起塞鴻羣。半拂平沙半入雲。為問昭君月下聽。何如蘇

武雪中聞。

陰山道

前人

陰山道陰山道。紇邏敦肥水泉好。每至戎人送馬時。道傍千里無纖草。草盡泉枯馬病羸。飛龍但印骨與皮。五十匹縑易一匹。縑去馬來無了日。養無所用去非宜。每歲死傷十六七。縑絲不足女工苦。踈織短截充匹數。藕絲蛛網三文餘。回鶻訴稱無用處。咸安公主號可敦。遠為可漢頻奏論。元和二年下新勅。內出金帛酬馬直。仍詔江淮馬價縑。從此不令踈短織。合羅將軍呼萬歲。捧授金銀與縑絲。誰知黠虜啓貪心。明年馬多來一倍。縑漸好馬漸多。陰山虜奈爾何。

王昭君二首

前人

滿面胡沙滿鬢風。眉銷殘黛臉銷紅。愁苦辛勤顛顛盡。如今却

似畫圖中。

漢使却回憑寄語。黃金何日贖蛾眉。君王若問妾顏色。莫道不如宮裏時。

送大府兄侍史

唐沈傳師

積雪陰山欲度難。傳更深夜鐵衣寒。將軍破了單于陣。更把兵書子細看。

詠和親

唐蘇郁

關月夜懸青冢鏡。寒雲秋薄漢宮羅。君王莫信和親策。生得胡雛虜更多。

送振武將軍

唐李廓

葉葉歸邊騎。風頭萬里乾。金裝腰帶重。鐵縫耳衣寒。蘆酒燒蓬暖。霜鴻撚箭看。黃河古戍道。秋雪白漫漫。

塞上行

唐鮑溶

溶

西風應時筋角堅。承露牧馬水草冷。可憐黃河九曲盡。羶館牢

落胡無影。

塞下曲

唐陳去疾

春至金河雪似花。蕭條玉塞但胡沙。曉來重上關城望。惟見驚

塵不見家。

雲中道上作

唐施肩吾

羊馬羣中覓人道。鴈門關外絕人家。昔時聞有雲中郡。今日無

雲空見沙。

昭君怨

前人

馬上徒勞別恨深。總緣如玉不輸金。已知賤妾無歸日。空荷君

王有悔心。

送獨孤煥評事赴豐州

唐姚合

東門携酒送廷評。結束從軍塞上行。深磧路移唯馬覺。斷蓬風起與鵬平。煙生遠戍侵雲色。冰疊黃河長雪聲。須鑿燕然山上石。登科記裏是閑名。

送李廓侍郎過夏州

前人

酬恩不顧名。走馬覺身輕。迢遞河邊路。蒼茫塞上城。沙寒無宿雁。虜近少閑兵。飲罷揮鞭去。傍人意氣生。

解昭君怨

唐王叡

莫怨工人醜。畫身莫嫌明。主遣和親。當時若不嫁。胡虜祇是宮中一舞人。

送于中丞入回鶻

唐顧非熊

風沙萬里行。邊色看雙旌。去展中華禮。將安外國情。朝衣驚異

俗牙帳見新正料得歸來路春深草木生

出塞即事

前人

塞山行盡到烏延萬頃沙堆見極邊河上月沉鴻雁起磧中風
度犬羊膾席箕草斷城池外護柳花開帳幕前此處遊人堪下
淚更聞終日望狼烟

賦昭君塚

唐張祐

萬里關山塚明妃舊死心恨為秋色晚愁結暮雲陰夜切胡風
起天高漢月臨已知無玉貌何事送黃金

塞下此首亦見朱慶餘集

前人

萬里配長征連年慣野營入羣來揀馬拋伴去擒生箭插雕翎
闊弓盤鵲角輕問看行近遠西去受降城

昭君怨二首

前人

萬里邊城遠。千山行路難。舉頭惟見月。何處是長安。
漢庭無大議。戎虜幾先和。莫羨傾城色。昭君恨最多。

送于中丞入蕃冊立

朱慶餘

上馬生邊思。戎裝別衆僚。雙旌銜命重。空磧去程遙。迴沒沙中樹。孤飛雪外鵞。蕃庭過冊禮。幾日却回朝。

長城

前人

秦帝防胡虜。關心倍可嗟。一人如有德。四海盡為家。往事乾坤在。荒基草木遮。至今徒者骨。猶自哭風沙。

題木蘭廟

唐杜牧

彎弓征戰作男兒。夢裏曾經與畫眉。幾度思歸還把酒。拂雲堆上祝明妃。

遊邊

前人

黃沙連海路無塵。邊草長枯不見春。日暮拂雲堆下過。馬前途
着射雕人。

邊上晚秋

前人

黑山南面更無州。馬放平沙夜不收。風送孤城臨晚角。一聲聲
入客心愁。

青塚

前人

青塚前頭隴水流。燕支山下暮雲秋。蛾眉一墜窮泉路。夜夜孤
魂月下愁。

夏州崔常侍自少常出領麾幢十韻

前人

帝命詩書將。登壇禮樂卿。三邊要高枕。萬里得長城。對客猶褒
博。填門已旆旌。腰間五綬貴。天下一家榮。野水羞新燕。芳郊哢
夏鶯。別風嘶玉勒。殘日照金莖。榆塞孤煙媚。銀川綠草明。戈矛

虓虎士。弓箭落鵬兵。魏絳言堪採。陳湯事偶成。若須垂竹帛。靜勝是功名。

邊上聞笳三首

前人

何處吹笳薄暮天。塞垣高鳥沒狼烟。遊人一聽頭堪白。蘇武爭禁十九年。

海路無塵邊草新。榮枯不見綠揚春。白沙日暮愁雲起。獨感離鄉萬里人。

胡雛吹笛上高臺。寒雁驚飛去不回。盡日春風吹不散。只應分付客愁來。

吳門送振武李從事

唐許渾

晚促離筵醉玉缸。伊州一曲淚雙雙。欲攜刀筆從新幕。更宿烟霞別舊窗。胡馬近秋侵紫塞。吳帆乘月下清江。嫖姚若許傳書

檄坐築三城看受降。

塞上行作

唐劉得仁

鄉井從離別窮邊觸目愁。生人居外地塞雪下中秋。鴈舉之衡翅河穿入虜流。將軍心莫苦向此取封侯。

馬上別單于劉評事

前人

廟謀宏遠人難測。公主生還帝感深。天下底平須共喜。一時閑事莫驚心。

狼煙

唐薛逢

三道狼煙過磧來。受降城上探旗開。傳聲却報邊無事。自是官

軍入抄回

送韋處士歸省朔方

唐趙嘏

映柳見行色。故山當落暉。青雲知己歿。白首一身歸。滿袖蕭關

雨連沙塞雁飛到家翻有喜借取老萊衣

送李裴評事

前人

塞垣從事識兵機只擬平戎不擬歸
入夜笳聲含白髮報秋榆葉落征衣
城臨戰壘黃雲晚馬渡寒沙夕照微
此別不應書斷絕滿天霜雪有鴻飛

王昭君

唐李商隱

毛延壽畫欲通神忍為黃金不為人
馬上琵琶行萬里漢宮長有隔生春

贈別契苾使君

前人

何年部落到陰陵奕世勤王國史稱
夜捲牙旗千帳雪朝飛羽騎一河冰
番兒襁負來青冢秋女壺漿出白登
日暮鷓鴣泉畔獵路人遙認郅都鷹

塞下曲

唐丁稜

北風鳴晚角。雨雪塞雲低。峰舉戰軍動。天寒征馬嘶。出營紅旆展。過磧暗沙迷。諸將年皆老。何時罷鼓鼙。

塞外寄張侍御

唐姚鵠

千里入黃雲。羈愁日日新。疎鐘關路曉。遠雨塞山春。南眺有歸鴈。北來無故人。却思陪宴處。迴望與天隣。

邊州客舍

唐項斯

開門不成出。麥色徧前坡。自小詩名在。如今白髮多。經年無越信。終日厭蕃歌。近寺居僧少。春來亦懶過。

塞下曲二首

唐馬戴

旌旗倒北風。霜霰逐南鴻。夜救龍城急。朝焚虜帳空。骨銷金鏃在。鬢改玉關中。却想羲軒氏。無人尚戰功。

廣漠雲凝慘。日斜飛霰生。燒山搜猛獸。伏道擊迴兵。風折旗竿曲。沙埋樹杪平。黃雲飛旦夕。偏奏苦寒聲。

邊城獨望

前人

聊憑危堞望。倍起異鄉情。霜落蒹葭白。山昏霧露生。河灘胡鴈下。戎壘漢輦驚。獨樹殘秋色。狂歌淚滿纓。

送和北虜使

前人

路始陰山北。迢迢雨雪天。長城人過少。沙磧馬難前。日入流沙際。陰生瀚海邊。刀鏗向月動。旌纛冒霜懸。逐獸孤圍合。交兵一箭傳。穹廬移斥候。烽火絕祁連。漢將行持節。胡兒坐控弦。明妃的迴面。南送使君旋。

射鵬騎

前人

著面將軍著鼠裘。酣歌衝雪在邊州。獵過黑山猶走馬。寒鵬射

落不回頭。

送于中丞使回紇册立

唐賈島

君立天驕發使車。册文字字著金書。漸通青塚鄉山盡。欲達皇

情譯語初調角。寒城邊色動下霜。秋磧雁行疎。旌旗來往幾多

日應向途中見。歲除

送陳判官赴天德

前人

將軍邀入幕。束帶便離家。身暖舊衣窄。天寒磧日斜。火燒岡斷

葦風卷雪平沙。絲竹豐州有。春來祇欠花。

送友人遊塞

前人

飄蓬多塞下。君見益潸然。迴磧沙銜日。長河水接天。夜泉行客

火曉戍向京。煙少結相思。恨佳期芳草前。

蘇武廟

唐温庭筠

蘇武魂銷漢使前。古祠高樹兩茫然。雲邊雁斷胡天月。隴上羊
歸塞草煙迴日。樓臺非甲帳。去時冠劍是丁年。茂陵不見封侯
印。空向秋波哭逝川。

勅勒歌塞北

前人

勅勒金幘壁陰山。無歲華帳外風飄雪。營前月照沙。羌兒吹玉
管。胡姬踏錦花。却笑江南客。梅落不歸家。

古出塞

唐劉駕

胡風不開花。四氣多作雪。北人尚凍死。况我本南越。古來犬羊
地。巡狩無遺轍。九土耕不盡。武皇猶征伐。中天有高閣。圖畫何
時歇。坐恐塞上山。低於沙中骨。

邊思

唐劉滄

漢將邊方背轆轤。受降城北是單于。黃河晚凍雪風急。野火遠

燒山木枯偷號甲兵衝塞色銜枚戰馬踏寒蕪蛾眉一沒空留
怨青塚月明啼夜鳥鳥

送友人遊塞北

唐李頻

朔野正秋風前程見磧鴻日西身獨遠山轉路無窮樹隔高關
斷沙連大漠空君看河外將早晚擬平戎

太和公主還宮

前人

天驕發使犯邊塵漢將推功遂奪親離亂應無初去貌死生難
有却回身禁花半老曾攀樹宮女多非舊識人重上鳳樓追故
事幾多愁思向青春

案太和公主嫁回鶻武宗會昌三年回鶻烏介可汗奉公

主攻振武城唐將石雄擊破烏介軍迎公主還京師此正

綏境故事也詳見本志列女篇

送友人往振武

前人

風沙遙見說。道路替君愁。積夜星垂地。雲明火上樓。征鴻辭塞雪。戰馬識邊秋。不共將軍語。何因有去留。

太和公主還宮

唐李敬方

二紀煙塵外。淒涼轉戰歸。胡笳悲蔡琰。漢使泣明妃。金殿更戎幄。青祛換毳衣。登車隨伴仗。謁廟入中闈。湯沐疏封在。關山故夢非。笑看鴻北向。休詠鵲南飛。宮髻憐新樣。庭柯想舊圍。生還侍兒少。熟識內家稀。鳳去樓扃夜。鸞孤匣掩輝。應憐禁園柳。相見倍依依。

塞上寄家兄

唐高駢

隸萼分張信。使希幾多鄉。淚濕征衣。笳聲未斷腸。先斷萬里胡天鳥不飛。

過五原

唐儲嗣宗

偶逐星車犯塞塵。故鄉常恐到無因。五原西去陽關路。日沒平沙不見人。

塞下曲

唐于濇

紫塞曉屯兵。黃沙披甲卧。戰鼓聲未齊。烏鷲已相賀。燕然山上雲。半是離鄉魂。衛霍待富貴。豈能無乾坤。

長城

前人

秦皇豈無德。蒙氏非不武。豈將版築功。萬里遮胡虜。團沙世所難。作壘明知苦。死者倍堪傷。僵屍猶抱杆。十年居上郡。四海誰為主。縱使骨為灰。寃名不入土。

戍卒傷春

前人

連年戍邊塞。過卻芳菲節。東風氣力盡。不減陰山雪。蕭條柳一

株南枝葉微發為帶故鄉情
依依藉攀折晚風吹磧沙
夜淚啼鄉月凌煙閣上人
未必皆忠烈

送人出塞

唐李昌符

北風吹雨雪舉目已悽悽
戰鬼秋頻哭征鴻夜不栖
沙平關路直磧廣郡樓依
此去非東魯人多事鼓鼙

昭君

唐汪遵

漢家天子鎮寰瀛塞北羌
胡未罷兵猛將謀臣徒自
貴蛾眉一笑塞塵清

出塞曲

唐劉沔

將軍在重圍音信絕不通
羽書如流星飛入甘泉宮
信是并州免年少心膽雄
一朝隨召募百戰爭王公
去年桑乾北今年桑乾東
死是征人死功是將軍功
漢馬牧秋月疲卒卧霜風
仍聞

左賢王更欲圖雲中。

北使長城

唐王無競

秦世築長城長城無極已募兵四十萬興工九千里死人亂如

麻白骨相撐委殫樊未云悟窮毒豈知止邊塵未北滅楚兵遽

東起六國逐囂囂兩龍鬪髻髻卯金竟握讖返璧俄淪祀仁義

寢邦國狙暴行終始一旦咸陽宮翻為漢朝市

五原書事

唐許崇

西出黃雲外東懷白浪遙星河愁立夜雷電獨行朝磧迴人防

寇天空雁避雕如何非戰卒弓劍不離腰

出塞門

前人

步步經戎虜防兵不離身山多曾戰處路斷野行人暴雨聲同

瀑奔沙勢異塵片時懷萬慮白髮數莖新

將過單于

前人

荒磧連天堡戍稀。日憂蕃寇却忘機。江山不到處，皆到隴雁已歸時。未歸行李亦須攜。戰器趨迎當便著，戎衣并州去路時。迢遞風雨何當達，近畿。

塞外書事

前人

征路出窮邊，孤吟傍戍煙。河光深蕩塞，磧色迴連天。殘日沉雕外，驚蓬到馬前。空懷釣魚所未定，卜歸年。

銀州北書事

前人

南辭采石遠，北背乞銀深。磧路雖多險，江人不廢吟。鵬依孤堞立，鷗向迴沙沉。因共邊人熟，行行起戰心。

夏州道中

前人

茫茫沙漠廣，漸遠赫連城。堡迴烽相見，河移浪旋生。無蟬嘶折

柳有寇似防兵。不耐饑寒迫。終難至此行。

春日烏延道中

前人

邊窮厄未窮。復此逐歸鴻。去路多相似。行人半不同。山川藏北

狄。草木背東風。虛負男兒志。無因立戰功。

送邊上從事

唐周繇

戎裝佩鎖鉞。走馬逐輕車。衰草城邊路。殘陽壠上茄。黃河穿漢

界。青塚出胡沙。提筆男兒事。功名立可誇。

書邊事

唐張喬

調角斷清秋。征人倚戍樓。春風對青塚。白日落梁州。大漠無兵

阻。窮邊有客遊。蕃情似此水。長願向南流。

昭君

唐李咸用

古帝修文德。蠻夷莫敢侵。不知桃李貌。能轉虎狼心。日暮邊風

急程遙磧雪深千秋青塚骨留怨在胡琴

青塚

唐胡曾

玉貌元期漢帝招誰知西塚怨天驕至今青塚愁雲起疑是佳人恨未銷

長城

前人

祖舜宗堯自太平秦皇何事苦蒼生不知禍起蕭牆內虛築防胡萬里城

長城

唐羅鄴

當時無德御乾坤廣築徒勞萬古存謾役生民防極塞不知血刃起中原珠璣旋見陪陵寢社稷何曾保子孫降虜至今猶自

說冤聲夜夜傍城根

~~赴~~職單于留別闕下知己

前人

職忝翩翩。逐建牙笈。隨征騎入胡沙。定將千里書憑雁。應看一
春雪當花。年長有心終報國。時清到處便營家。逢秋不擬同張
翰。為憶鱸魚却歎嗟。

登夏州城樓

唐羅隱

寒城獵獵戍旗風。獨倚危樓悵望中。萬里山河唐土地。千年魂
魄晉英雄。離心不忍聽邊馬。往事應須問塞鴻。好脫儒冠從校
尉。一枝長戟六鈞弓。

夏州胡常侍

前人

百尺高臺勃勃州。大刀長戟漢諸侯。征鴻過盡邊雲闊。戰馬閑
來塞草秋。國計已推肝膽許。家財不為子孫謀。仍聞隴蜀由多
事。深喜將軍未白頭。

邊將

唐秦韜玉

劍光如電馬如風百捷長輕是掌中無定河邊蕃將死受降城
外虜塵空旗縫雁翅和竿裏箭撚雕翎逐隼雄自指燕山最高
石不知誰為勒殊功

塞下

前人

到處人皆著戰袍麾旗風緊馬蹄勞黑山霜重弓添硬青冢沙
平月更高大野幾重開雪嶺長河無限舊雲濤風林關外皆唐
土何日陳兵伐木毛

邊思

唐周朴

年高來遠戍白首罷干戈夜色薊門火秋聲邊塞風磧浮悲老
馬月滿引新弓百戰陰山去唯添上將雄

塞上行

前人

秦築長城在連雲磧氣侵風吹邊草急角絕塞鴻沈世世征人

往年年戰骨深遼天望鄉者回首盡霑襟

塞上

前人

受降城必破回落隴頭移蕃道北海北謀生今始知

塞上曲

前人

一陣風來一陣沙有人行處沒人家黃河九曲冰先合紫塞三

春不見花

送人遊邊

唐鄭谷

春亦怯邊遊此行風正秋別離逢雨夜道路向雲州磧樹藏城

近沙河漾日流將軍方破虜莫惜獻良籌

過昭君故宅

唐崔塗

以色靜胡塵名還異衆嬪免勞征戰力無愧綺羅身骨竟埋青

塚魂應怨畫人不堪逢舊宅寥落對江濱



度關山

唐王貞白

只領千餘騎。長驅磧色間。雲州多警急。雪夜度關山。石響鈴聲遠。天寒弓力慳。秦樓休悵望。不日凱歌還。

從軍行

前人

從軍朔方久。未省用干戈。祇以恩信及。自然戎虜和。邊聲動白草。燒色入枯阿。每度因看獵。令人勇氣多。

邊將

唐張蠡

歷戰燕然北。功高劍有威。聞名外國懼。輕命故人稀。角怨星芒動。塵愁日色微。從為漢都護。未得脫征衣。

邊情

前人

窮荒始得靜。天驕又說天。兵擬渡遼聖。主尚嫌蕃界。近將軍莫恨。漢庭遙草枯。朔野春難發。冰結河源夏。半銷惆悵臨戎。皆効。

國豈無人似霍嫫姚。

青塚

前人

傾國可能勝效國。無勞冥冥更思回。太真雖是承恩死。祇作飛塵向馬嵬。

朔方書事

前人

秋盡角聲苦。逢人惟荷戈。城池向隴少。歧路出關多。雁遠行垂地。烽高影入河。仍聞黑山寇。又覓漢家和。

送友人邊遊

唐黃滔

銜杯國門外。分手見殘陽。何日還南越。今朝往北荒。砂城經雨壞。虜騎入秋狂。親詠關山月。歸吟鬢的霜。

塞上

前人

塞門關外日光微。角怨單于鴈駐飛。衝水路從冰解斷。踰城人

到月明歸燕山臘雪銷金甲秦苑秋風脆錦衣欲吊昭君倍惆
悵漢家甥舅竟相違

追和常建嘆王昭君

唐徐夔

紅顏如朔雪日燦忽成空淚盡黃雲雨塵消白草風君心爭不
悔恨思竟何窮願化南飛燕年年入漢宮

明妃

前人

不用牽心恨畫工帝家無策及邊戎香魂若得昇明月夜夜還

應照漢宮

王昭君

唐胡令能

胡風似劍鏤人骨漢月如鉤鈞胃腸魂夢不知身在路夜來猶
自到昭陽

昭君塚

唐蔣吉

曾為漢帝眼中人。今作狂胡陌上塵。身死不知多少載。冢花猶帶洛陽春。

從軍行二首

唐僧皎然

百萬逐呼韓。頻年不能鞍。兵屯絕漠暗。馬飲濁河乾。破虜功未錄。勞師力已殫。須防肘腋下。飛禍出無端。飛將下天來。奇謀閩外裁。水心龍劍動。地肺雁山開。望氣燕師銳。當鋒虜陣摧。從今射鵰騎。不敢過雲堆。

昭君怨

前人

自倚嬋娟望主恩。誰知美惡忽相翻。黃金不買漢宮貌。青塚空埋胡地魂。

邊思

唐僧栖白

西北黃雲暮。聲聲畫角愁。陰山一夜雨。白草四郊秋。亂雁鳴寒

渡飛沙入廢樓。何時番色盡。此地見芳洲。

送人游塞

唐僧卿雲

去去玉關路。省軍曾未行。塞深多伏寇。時靜亦屯兵。雪每先秋降。花嘗近夏生。閑陪射鵰將。應到受降城。

塞上曲

唐僧貫休

去年轉鬪陰山脚。生得單于却放却。今年深入于不毛。胡兵拔帳遺弓刀。男兒須展平生志。為國輸忠合天地。甲穿雖即失黃金。劍缺猶能生紫氣。塞草萋萋兵士苦。胡虜如今勿胡虜。封侯十萬始無心。玉關凱入君看取。

邊上作

前人

見說青塚穴。中有白野狐。時時出沙磧。向東而號呼。號呼復號呼。畫師圖得無。

古塞下曲二首

前人

虜寇日相持。如龍馬不肥。突圍金甲破。趁賊鐵槍飛。漢月堂堂

上胡雲慘慘微。黃河冰已合。猶未送征衣。

南北惟堪恨。東西實可嗟。常飛侵夏雪。何處有人家。風刮陰山

薄。河推大岸斜。祇應寒夜夢。時見故園花。

古塞上曲

前人

山接胡奴水。河連勃勃城。數州今已伏。此命豈堪輕。磧吼旄頭

落。風乾刁斗清。因嗟李陵苦。祇得沒蕃名。

邊上

唐僧齊己

漢地從休馬。胡家自牧羊。都來銷地道。渾不用兵防。草上孤城

白沙翻大漠。黃秋風起邊。雁一一向瀟湘。

塞上

五代趙延壽

黃沙風捲半空拋。雲動陰山雪滿郊。探水人迴移帳就。射鵬箭
落著弓抄。鳥逢霜果飢還啄。馬渡冰河渴自跑。占得高原肥草
地。夜深生火折林梢。

塞下曲

五代江為

萬里黃雲凍不飛。磧烟烽火夜深微。胡兒移帳寒笳絕。雪路時
聞探馬歸。

王昭君

南唐李中

蛾眉翻自累。萬里臨窮邊。瀟灑胡風起。寬心漢月圓。飛
塵長毳羽。日白草自連。天誰負和親策。千秋污簡編。

